

**DE SANCTISSIMA
TRINITATE ORATIO
HABITA IN SACELLO
PONTIFICIO AD
SANCTISSIMUM...**

Vincenzo Santini, Valenti Gonzaga



THE
MILITARY

OF THE
ARMY

AND
NAVY

OF THE
UNITED STATES



OF THE
UNITED STATES

INNOCENTIO XII. PONT. MAXIM.

VINCENTIUS SANTINUS
Fœlicitatem.



Ivino consilio factum est B. P.
ut numquam de Deo cogitare
homines possimus, quin be-
neficentiæ quoque illius re-
cordatio quædam suborietur;

adeo nihil in Deo est, quod cogitatione
attingere fas sit, cui non insigne aliquod
beneficium acceptum referamus. Id mihi
in præsens accidit, dum sublimem Dei
Naturam animo reputarem: Statim enim
mihi se se obtulit humana Natura tot à
Deo beneficiis exornata, ut orationem
meam abriperit ad illa commemoran-
da. Cum autem iis recensendis ab insti-
tuta Divinæ Naturæ meditatione non di-
fcesserim, illud intellexi: Deum cum sui
imaginem in nobis tot beneficiis inscul-
psit, id voluisse, ut Divinæ Naturæ cogni-

A 2 tio

tio mortalibus fieret, & memoria dignitatis jucundior & similitudine facior. Illud nūc pedibus Tuis provolutus ago, ut orationi meæ firmissimum præsidium, ex Te, quæram B.P. qui Tuarum virtutum testimonio ostendis, adeò non deesse in animis hominum Dei similitudinem, ut si quis eam Divinarum virtutum imitatione exercuerit, atque in opus deduxerit, is evadat, qualem omnes qui Te Optimum Principem experimur, dicimus, nempe Deo simillimum. Itaque quicumque Te præeunte in idem imitandi studium incubuerint (quos in hujus Anni Sanctitate quot sint vides) ii ex Tuis virtutibus utilitatem atq; fructum longè maximum percipient. Quamobrem cum auctant Tuis exemplis Pietatem ac Religionem intueor, præsentem hunc annum, non tam vetere Patrum instituto, quam Innocentii Pontificis Sanctitate, Sanctum appellari posse crediderim.

OR A-



ORATIO.



I quid est B. P. magnificum atque præclarum, quod in nostri generis commendationem ratio nobis suppeditat: si qua cœlestium munerum, quæ per fidem consequimur, æstimatio: si quod iudicium aut conjectura latentis adhuc fœlicitatis, quam expectamus, fieri potest: harum omnium rerum nobis hodierna dies certissima præbet argumenta. Admirabilis illa trium Personarum in una Natura communio atque societas, quam in præsens veneramur, universa nobis exhibet Divina beneficia, quoniam, quam hæc in nobis perficiunt præstantissimæ Dei Naturæ similitudinem, dum hujus arcana patefacit, in apertam fidei lucem profert.

Tria præ omnibus maxima & quæ cætera complectuntur, sunt Dei beneficia: quod vitam nobis tribuerit: quod è peccati servitute in libertatem vindicaverit: quod ad æternæ fœlicitatis consecutionem vocaverit. Quam verò illustris horum omnium significatio sit, in eo quod nunc recolimus Divinæ Naturæ mysterio, id jam patebit si quam


si quam ex illis consequimur formam ac dignitatem cum hoc contulerimus. Ad imaginem & similitudinem suam nos condidisse ipse sui operis conscius fatetur Deus, eadem opera consilii sui rationem explicans ac admonens nos præstantiæ nostræ ac dignitatis. Unus enim Natura Deus cognitione atque intelligentia sui filium sibi ejusdem Naturæ consortem generat, eumque Patris imaginem exactissimè referentem statim infinito, quo par est amore prosequitur. Amor hic sempiternus atque immortalis est Divinus Spiritus. Qua ratione admirabilis ille in Unitate numerus existit intelligentiæ atque amoris fecunditate. Est & hominis animus non partium concretionem cohærens, sed Natura simplex atque unus; is tamen tribus à Deo acceptis facultatibus, mente, voluntate, ac memoriæ vi; Deum qui Natura Unus est, Trinus Hypostasi non obscurè videtur indicare. Cum autem veri bonique notiones à Natura acceptas in omnibus rebus gerendis adhibet, mirifica quadam imitatione præfulget Divinæ Virtutis, quæ totius veritatis in Verbo, totius bonitatis in Divino Spiritu, summam complectitur. Atque utinam illa tot malorum ferax primi peccati lues, non hanc prope Divinam Naturæ nostræ habitudinem infecisset, offusisque intelligentiæ tenebris, ac voluntati fluxarum rerum illecebris, id effecisset, ut hominem intuentibus sæpius occurre-

curreret, quod peccati est, quam quod Naturæ. Verum quid amplius calamitates nostras conquerimur, cum Fidei Sacramento suscepto, non solum quod perditum fuerat, reparatum est, sed novarum maximarumque rerum accessione amplificatum. Dei similitudinem Natura receptam, peccato deformatam Baptismus instaurat; & Dei tunc deliberantis consilio, Sanctissimorum in hoc Nominum, Patris, Filii ac Divini Spiritus invocatio respondet. Quis enim est, qui si Naturæ facultatibus inspiciendis, Dei in ea similitudinem deprehenderit: non eandem animadvertat in iis, quæ supra Naturæ vires Religione assequimur, Divinis muneribus, Fide, Spe, ac Charitate? O igitur miram humani generis dignitatem, ò pulcherrimam Divini Vultus imaginem, quæ ex ejus lumine supra nos signa- *Psal. 4.* to coruscat. Ea verò si dum animus corporis adhuc societate tenetur, tanta est, quâ fieri potest, ut quod felicitàtis æternæ beneficio incrementum suscipiet, verbis atq; oratione completamur? Hæc amantissimi hominum Redemptoris summa votorum fuit: hæc jam jam ad mortem properantis extrema precatio, dum Patrem alloquitur. *Ut omnes, inquit, unum sint si- Jo: 17.* cut Tū Pater in Me & Ego in Te ut & ipsi in Nobis unum sint. Quid enim aliud hæc, inter supplicia, potentissimæ preces designant, quàm futuræ felicitàtis amplitudinem, qua conjuncti Deo atque

atque unum quodammodo cum illo facti, ex ipso jam fonte hauriemus tam præclaræ similitudinis notas atque insignia? Neque verò imaginis hujus lineamenta oratione perstringere fas est.

*Jo. Ep.
1. cap. 3.*

In illum nobis Diem hæc reservatur cognitio quo, cum apparuerit, similes ei erimus, & tantæ dignitatis præstantiam, non argumentis metiemur, sed magnitudine voluptatis. Videtis quanta cœlestium bonorum significatione, hodiernus hic dies inclarescat, qui Divinæ Naturæ celebrandæ sacer est atque solemnus. Videtis quam mirè cohæreant D. O. M. in genus hominum collata beneficia, ut quam nobis dederat Natura Dei similitudinem, hanc per peccatum collapsam, Fides restituat, ipsa postmodum fœlicitate ornandam perficiendamque.



LAUS DEO.